



Na osnovu člana 22 Statuta Brčko distrikta BiH – preišeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na I. nastavku 76. redovne sjednice održanom 8. juna 2016. godine, usvaja

**ZAKON  
O IZMJENI I DOPUNAMA ZAKONA  
O PLATNIM TRANSAKCIJAMA BRČKO DISTRIKTA BOSNE I HERCEGOVINE**

**član 1**

U Zakonu o platnim transakcijama Brčko distrikta Bosne i Hercegovine (Službeni glasnik Brčko distrikta BiH, broj 5/01), član 2 'Definicije' se dopunjuje novom tačkom 2 koja glasi:

„2) 'Gotov novac' u smislu ovog zakona čine papirne novčanice konvertibilnih maraka i kovanice konvertibilnih maraka i feninga.“

Dosadašnje tačke od 2 do 30 postaju tačke od 3 do 31.

**član 2**

Član 3 Zakona o platnim transakcijama Brčko distrikta BiH mijenja se tako da glasi:

„(1) Fizička lica mogu otvoriti račune u konvertibilnim markama i vršiti platne transakcije putem ovih računa u skladu s uslovima dogovorenim s organizacijom ovlaštenom za unutrašnji platni promet. Fizička lica ne mogu otvoriti račun u konvertibilnim markama na zahtjev poslodavca. Fizička lica mogu posjedovati više od jednog računa u jednoj ili više banaka.

(2) Preduzeća i preduzetnici ne mogu otvoriti račune u konvertibilnim markama kod odabrane banke i vršiti platne transakcije putem tih računa u skladu s odredbama ovog zakona i imaju pravo posjedovati više od jednog računa u jednoj ili više banaka.“

**član 3**

Iza poglavlja VIII dodaje se poglavlje VIIIa koje glasi:

„VIIIa. USLOVI I NAČIN PLAĆANJA GOTOVIM NOVCEM

**član 36a**

(Obaveza držanja novčanih sredstava na računima kod banaka)

Preduzeća i preduzetnici koji obavljaju registrovanu djelatnost u skladu sa zakonima Distrikta, organi javne uprave i druge institucije Distrikta dužni su da novčana sredstva drže na računima kod banaka i sva plaćanja obavljaju preko tih računa.

**član 36b**

(Plaćanje gotovim novcem)

(1) Izuzetno od propisanog odredbama člana 37 ovog zakona, preduzeća i preduzetnici koji obavljaju registrovanu djelatnost u skladu sa zakonima Distrikta mogu vršiti gotovinska plaćanja za:

- a) isplatu plata zaposlenih i isplate drugih ličnih primanja i naknada, pod uslovom da u mjestu isplate ne postoji poslovna banka odnosno organizacija ovlaštena za unutrašnji platni promet, pri čemu se mjestom isplate smatra naseljeno mjesto koje nema putnu komunikaciju s najbližim mjestom gdje postoji poslovna banka više od dva puta dnevno;
- b) isplatu akontacija putnih troškova i dnevnica za službena putovanja u zemlji i inostranstvu;
- c) otkup poljoprivrednih proizvoda i šumskih plodova, ljekovitog bilja, industrijskih i drugih sekundarnih sirovina od fizičkih lica;
- d) isplatu štete fizičkom licu po osnovu osiguranja imovine i lica ako pojedinačni iznos štete ne prelazi 5.000,00 KM;
- e) plaćanje takse konzularnim i diplomatskim predstavništvima;
- f) plaćanje proizvoda, usluga i drugih obaveza prema drugom pravnom licu ili fizičkom licu – preduzetniku, ako pojedinačni iznos isplate ne prelazi 5.000,00 KM po račun, odluci o isplati i ugovoru;
- g) isplatu sredstava fizičkim licima po odobrenim mikrokreditima, ukoliko to nije suprotno propisima koji regulišu organizaciju i rad mikrokreditnih organizacija;
- h) otkup efektivnog stranog novca i čekova za potrebe snabdijevanja ovlaštenih mjenjačnica gotovim novcem.

(2) Izuzeci predviđeni odredbama stava 1 ovog člana ne odnose se na plaćanje proizvoda u trgovinama na veliko.

(3) Preduzeća i preduzetnici su dužni da sve uplate i isplate u gotovom novcu dokumentuju vjerodostojnim knjigovodstvenim ispravama koje se evidentiraju i uvajaju u rokovima utvrđenim zakonskim propisima i stave na uvid nadležnim kontrolnim organima.

član 36c

(Podizanje gotovog novca s računa banaka)

Preduzeća i preduzetnici mogu podizati gotov novac sa svojih računa kod banaka za namjenu utvrđenu odredbom člana 36b ovog zakona.

član 36d

(Blagajnički maksimum)

(1) Preduzeća i preduzetnici mogu u blagajni držati gotov novac do iznosa blagajničkog maksimuma utvrđenog internim aktom.

(2) Visinu blagajničkog maksimuma preduzeća i preduzetnik utvrđuju internim aktom i ista se utvrđuje na osnovu prosječnih dnevnih isplata blagajne u prethodnom mjesecu kao i na osnovu drugih uslova koji su od uticaja na potrebu držanja gotovog novca u blagajni.

(3) U blagajnički maksimum ne ulazi gotov novac ostvaren u skladu s odredbama člana 36e ovog zakona.

član 36e

(Postupak s gotovim novcem ostvarenim redovnim obavljanjem registrovane djelatnosti)

(1) Preduzeća i preduzetnici dužni su da gotov novac ostvaren redovnim obavljanjem registrovane djelatnosti evidentiraju u skladu s propisima o računovodstvu i isti uplate na svoj račun najkasnije u roku od 7 dana.

lan 36f  
(Nadzor)

Porezna uprava vrši kontrolu primjene odredbi ovog zakona, u skladu s propisima koji uređuju nadležnosti Direkcije za finansije Brčko distrikta BiH, odnosno Porezne uprave.“

**lan 4**

Iza novog poglavlja VIIIa dodaje se poglavlje VIIIb koje glasi:

„VIIIb PREKRŠAJNE ODREDBE

lan 36g  
(Prekršajne odredbe za preduzeća i preduzetnike)

(1) Novčanom kaznom u iznosu od 500,00 KM do 3.000,00 KM kaznit će se za prekršaj pravno lice – preduzeće za postupanje suprotno odredbama članova 36a, 36b, 36c i 36e ovog zakona.

(2) Za prekršaj iz stava 1 ovog člana kaznit će se i odgovorno lice u preduzeću u novčanom kaznom od 300 KM do 1.700 KM.

lan 36h  
(Prekršajne odredbe za fizička lica – preduzetnike)

Novčanom kaznom u iznosu od 100,00 KM do 500,00 KM kaznit će se za prekršaj preduzetnik za postupanje suprotno odredbama članova 36a, 36b, 36c i 36e ovog zakona.“

**lan 5**

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH, a primjenjivat će se od 1. 1. 2017. godine.

Broj: 01-02- 657/16  
Brčko, 8. 6. 2016. godine

PREDSJEDNIK  
SKUPŠTINE BRČKO DISTRIKTA BiH

**or. a. Koji**